

國家圖書館館藏歷史檔案文獻叢刊

張文襄公（未刊）電稿

第31冊

全國圖書館文獻縮微復制中心

國家圖書館藏歷史檔案文獻叢刊

張文襄公(未刊)電稿

第 31 冊

全國圖書館文獻縮微複製中心



華歷正月十九日河內法人日報云分界大臣等現在東北疆界
分劃長而陝之地一段自法人視之該地係屬越南者而華欽差
則謂該應歸中國管轄或承兩廣制憲授意而理論及此也駐
越法國全權大臣因兩國為此爭論於是多調兵丁前往彼處防
守以免被敵攻擊不虞中國兵若躁率而進攻之法兵定可拒禦
現法兵劄營之處其地址甚佳且有砲兵在彼處相助也

又云西歷正月下旬法兵始覓得分界大臣之隨員名希士者首
級一具希士之友亦曾辨認謂是希士者無疑曾用壕殼灰醃藏
之矣又另尋得法人頭顱一顆法國官員之在越南分界者皆欲
使之歸土而安遂於正月廿五日為行安葬之禮焉

光緒三十二年二月初一日

敦報上云林都係五印度通西藏之大路往來貿易者絡繹不絕也英國巡撫杜勿綸因西京之君前至西藏所有護送該君之西藏兵僭居林都者曾飭其於西三月中盡行撤回詎料非但不撤且又添兵至此故調兵一千五百名仰統領將西藏僭居林都之兵一併驅逐邊外不准逗遛一名如其不聽即可與其開仗云


港報西歷正月二十四日法京郵筒言接到海防信息謂紅河界
口一帶地方現甚安堵云

光緒十二年二月初一日



香港孖刺西報云中國百姓其商旅於美邦者被美國人殘害已向美廷索賠被毀物業及受傷者卹項云

又云美國總統名基厘付蘭者不允將款項賠償而中國現兩廣督憲電知駐美華欽使若美國不依 中朝將索之數賠補恐難免中國百姓依樣待美國人之在中國者云云 本館意謂中朝向美國索賠款項甚合人心而符公法也



字林報錄十二月二十一日英京報云法國駐英京使署有一
隨員說知報館探事人云法廷決意攻奪北甯不拘兵餉所費
多少俟得北甯後或肯送英美兩國勸和一說十二月二十日法
京日報云法高兩國於光緒九年十月二十六日再立和約較
前所立者於法國多叨利益前高國已允讓中國通商及船隻
往來港口中多美利今新約亦許法國同沾法國君民均極快
意云

文匯報按正月二十七日廈門西人來信云向有法國兵艘船
一艘灣泊廈門今午又由香港駛來一艘均泊於此並有英國兵
船二艘泊此港口惟華人有砲船三艘今日忽由此齊往福州

光緒二十二年二月初日

令人驚訝倘中法猝尔失和正不知誰人保護厦門抑借力於
英國兵船暫資守護乎

港報正月二十九日英京電報云中國於華人在美國被害一事
現向美廷索償賠款惟美總統格里費蘭堅持不允後經兩廣總
督電致駐紮美京華使謂美廷若不允從恐中華人民不免將有
報復情事云云

又謂駐紮東京法元戎窩尼德出告示招安東京土匪其畧云自
光緒十一年十二月二十八日起限三個月內各處土匪若有誠
心投降者概行赦免其罪惟所有軍械務須全行交出倘有逾限
而不服者一經緝獲自必按例治罪決不姑寬並將所有什物一
律查抄歸官云云

美國某報云華人每年由舊金山寄運銀錢回國核計共有一十

光緒三十二年二月初一日

一兆零二十萬元云

香港利西報接初一日澳門探事人來信云華歷正月廿九日早澳門水練差拿獲賊船四艘海賊十三名船上有貴重什物及珠寶玩器甚多係由中國地面劫掠當店而得者在船上又有對面笑短槍與新式洋槍彈子火藥等物不少四船之賊共計一百餘名往劫當店時曾斃店人數名此次伊等駕船來澳散弄賊物賊等在水程上遇一中國官船即與官船開仗賊倖勝擊斃官船多人並將船上某華員斬為四截盡掠船上物件然後放火焚燬該船其兇狠若此澳門水練船葡差與賊船對仗時被賊用槍彈擊傷者一名現已昇至醫院調理惟受傷甚重恐不易痊該賊等經押解葡國監房照葡例定罪可不用轉解華官不料該賊

等事同擊傷管監官高幸未致命也

又云葡官將澳門魚餉拍賣每年得價銀七千三百元以致澳門魚價比各埠較昂也

大丹國日報云丹國京都接天津來電內稱中國業已議定與丹京之大北電報公司及英京之大東電報公司訂立合同該合同所載兩公司傳遞之電報經過中國地方者將收之電費撥交中國十分之一若此公司之電綫或有損壞彼公司則代為傳遞又說及西歷一千八百七十年中國與俄國所立之約不准俄國在中國地界設立電綫者現已刪去是以由吉林及由天津至俄國邊界之電綫不久即行開辦至中國與該兩公司所訂之合同

限以十六年為期云

西貢法文報云日前有法公司輪船名美而濱由法京來華載大
氣球兩箇係中國北洋大臣所定造此球實為軍營中之要具行
駛靈便曾在法國時屢試屢驗並有一法人押運來華職司其事
名皮拉巴尼聞此球規模一有二百箇美脫約計一百二十八丈一有三千箇
美脫約計八百四十丈照原文是有此數恐其刻印錯誤疑無若此之宏大也
英京日報云日昨中朝定法國造氣球二個係託法人名嘉布厘
兒潤者承領製造業已工竣此球甚為巧妙因他於原擬圖式外
另出新法使球更能利用而臻於美善凡氣球在天空時每浮動
不定難以捕奪敵人之氣球已在天空之下者嘉君現所製之球

光緒十二年二月初二日

繫一四方框於毬底人乘坐處之下即能使毬安然鎮定可以靜坐而觀敵人之氣毬設計以撞擊之再以德律風電綫用樹膠纏裹者繫該框處其德律風線一頭貼連上之闊口管乘毬者以手握之又一頭貼連下之闊口管站立地上之人握之常用以互通言語蓋如此則法毬浮在天空而向下仍甚直也嘉君又新造一機器能製汽而隨即迫汽入毬使其脹滿浮動較向來迫汽入毬之法約快一半時刻聞此二毬不日即帶往北京派法人名班尼士者暫在中國軍營管理此毬云、按西報原文未有說明用何材料造該四方框也

港報法國駐東京將軍華匿出有告示謂允主松河上游販運鹽米兩項概准照常來往不復禁止至於東京海面各等商務除軍火之外一概弛禁無所阻碍矣

又云現聞東京出口米稅自西曆是年三月初一日起每担增至夫冷士銀圓一枚准東京米石之由法國船艘運往法國或法國口岸者則照常稅并不加增

東京法字報言近來東京大局日漸安謐村鄉無風鶴之驚人民免鋒鏑之患柳溪一處法人將設營汛以駐紮兵士而護衛地方云

東京法將華匿出有告示曉諭東京亂黨其大畧謂自西曆二月

光緒十二年二月初二日